

4. Z'HISTOIRE P'TIT BONHOMME

Alors in jour ti ennan in z'homme. Ca z'homme ti ennan son femme et in p'tit garcon. Ca z'homme ti appele Grand Bonhomme et ca p'tit garcon ti appele p'tit Bonhomme. Grand Bonhomme ti in voleur et y ti content voler et p'tit Bonhomme ti in bandit et y ti content suivre son papa. Alors in jour p'tit Bonhomme i dire avec Grand Bonhomme: "Papa, l'heure ou alle voler, laisse moi alle avec ou". Mais son papa pas ti ouler amene p'tit Bonhomme avec li. Tous les jours p'tit Bonhomme y persister avec Grand Bonhomme: "Papa laisse moi alle avec ou, laisse moi alle avec ou."

Alors in jour femme Grand Bonhomme i dire avec son mari: "Mon mari, faudrait nous faire maniere pour P'tit Bonhomme arrete content suivre parce que ya a va mauvais pour li a l'avenir.

In jour quand Grand Bonhomme ti pe marcher dans bord in la boutique ensemble avec P'tit Bonhomme, Grand Bonhomme y deboute dans bord ca la boutique et y montrer son le doigt dans la boutique en disant: "P'tit Bonhomme, ou voir ca balle pistache qui dans ca la boutique?" P'tit Bonhomme i repondre: "Oui papa, mon ouar." Grand Bonhomme i dire avec li: "Tantot l'heure mon arrive la cour mon ouler voir ca balle pistache appuyer avec la cuisine et si ou capable faire ca bal pistache appuyet ec la cuisine chaque fois mon alle voler moi va amene ou avec moi." P'tit Bonhomme i retourne chez li et i commence faire l'idee commentniere y pour faire bal pistache arrive cotte li. Tout d'meme y alle dans ca la boutique et y commence rempli son poches, tout son poches, avec pistache et y amene chez li. Y chavoyer, chavoyer, chavoyer. Quand tine arrive apres midi gros balle pistache ti pe appuyet avec la cuisine.

Quand Grand Bonhomme ti arriver son tantot P'tit Bonhomme i crie Grand Bonhomme en disant: "Papa guette ca qui la bas." La son papa ti voir gros balle pistache appuyet avec la cusine. Grand Bonhomme tine surprendre et i commence faire in autre l'idee pour faire son pitit pas vine avec li l'heure y alle voler.

Son meme soir femme Grand Bonhomme i dire avec son mari: "Mon mari y

ennan in vieux Pere qui son gardien i amene li promener dans cimetiere tous les 11 heures di soir, mais ca Pere son cheveux y blanc, son la barbe y longue et y batte lo son l'estomac, et y mette in grand robe blanc, alors tantot amene p'tit Bonhomme dans cimetiere, quand y a voir ca Pere ya besoin peur et ya faire serment content suivre ou."

Son meme soir Grand Bonhomme et p'tit Bonhomme y quitte zotte la cour vers 10 heures et d'mi et zotte alle dans cimetiere. Quand zotte ti fine arrive dans cimetiere Grand Bonhomme y dire ecque P'tit Bonhomme: "Ou assise la, mon pe guette guette in coup partout, partout." Apeu pres 10 minutes apres qui Grand Bonhomme ti fine aller, P'tit Bonhomme y voir in z'homme vine dans direction lo li avec in gros quette chose blanc lo son li cou.

In jour avant ca Grand Bonhomme tine deja vole in gros cochon blanc. Alors quand P'tit Bonhomme tine voir ca quec chose blanc lo li cou ca z'homme, y tine fini croire qui Grand Bonhomme fine alle vole in autre cochon blanc pour faire zotte deux cochons blanc. P'tit Bonhomme tine trop exiter quand i tine voir ca quette chose blanc, necque i juste dire: "Papa, largue ca enne a terre moi va amene toujours, ou alle cherche l'autre." Quand ca gardien ti entende ca la voix dans cimetiere i tine plus peur qui ca Pere, juste y largue ca pauvre vieux Pere a terre et i commence tailler. Li p'tit Bonhomme, comment gardian tine jette Pere a terre, y pas ni guetter qui pere i dire, juste i amasse Pere a terre et i ca mette lo son licou pour amene chez li en croyant qui in cochon blanc qui son papa fine donne li pour amener.

Li gardian quand ine largue Pere a terre, ine alle dire tout di monde qui y ennan in namme dans cimetiere et qui ca namme ine demande li Pere. Tout bande di monde ti alle dans cimetiere pour alle rode Pere mais zotte pas ti voir Pere ditout parceque Pere ti avec Tit Bonhomme.

Tit Bonhomme ca l'heure ine arrive cotte son maman. Y ouvert la cuisine et y largue Pere a terre dans cusine. Y tappe la porte la case en disant: "Maman, Maman, ouvert la porte. Y ennan in gros cochon blanc pareille ca l'autre papa fine donne moi pour amener et papa ine alle cherche in autre encore." La son papa ti

repondre en disant: "Mon panne fine donne ou aucaine cochon pour amener, assez menti, moi monne quitte ou dans cimitiere longtemps et monne vine dormi." Ptit Bonhomme i dire: "Non papa, ou meme qui ti donne moi cochon pour amener." La son manman i alle dans la cusine y voir in gros vieux Pere bien faible dans la cuisine a terre. Papa manman, pitit tout ca la y dire ensemble: "Ca pas cochon, ca in Pere. Ahhhh!" tout ca la tine ebeter. Juste zotte ouvert zotte la bouche et zotte guette pauvre vieux gros pere a terre. Depuis ca jour Tit Bonhomme i faire serment suivre Gros Bonhomme encore.